



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 206

DATUM: 24.07.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Nermin Fatkić, viši saradnik za finansijska pitanja
fax: + 387 33 552 810
nermin.fatki@sogfbih.ba

Sadržaj biltena:

Vlada FBiH podržala inicijativu za donošenje novog zakona o turističkim zajednicama

Skupština ZDK prenijela nadležnosti za osnovno i srednje obrazovanje na Općinu Usora

Općina Tešanj u novu poslovnu zonu "Glinište" do sada investirala 1 mil KM

Grupacija Svjetske banke objavila video o uspješnim općinama u BiH

Raspisan tender za izgradnju kanalizacionog sistema u B.Krupi vrijedan oko 1,5 mil KM

Održan četvrti sastanak radne grupe projekta "Podrška savezima općina i gradova u BiH - AMCS"

Gradonačelnik Širokog Brijega Miro Kraljević u intervjuu za eKapiju

Realizirana EeMA studijska posjeta Hrvatskoj

U Srebreniku otvorena novoizgrađena zgrada općinskog organa uprave

Najava obilježavanja dana općina za mjesec avgust/kolovoz

Bilten Saveza općina i gradova Federacije Bosne i Hercegovine

VLADA FBiH PODRŽALA INICIJATIVU ZA DONOŠENJE NOVOG ZAKONA O TURISTIČKIM ZAJEDNICAMA I PROMOCIJI TURIZMA U FBiH

SARAJEVO, 16. juli/srpanj –

Vlada Federacije Bosne i Hercegovine podržala je inicijativu Općinskog vijeća Stari Grad Sarajevo za donošenje novog Zakona o turističkim zajednicama i promociji turizma u Federaciji BiH, a u vezi s Presudom Ustavnog suda Federacije BiH od 3. jula 2014. godine kojom je utvrđeno da Zakon o turističkim zajednicama i promicanju turizma u FBiH nije



saglasan Ustavu Federacije BiH, saopćio je Ured Vlade FBiH za odnose s javnošću.

Ovaj zakon će, u skladu s ustavnim ovlaštenjima federalne i kantonalnih vlasti, odnosno jedinica lokalne samouprave, biti dostavljen Parlamentu FBiH na razmatranje u redovnom postupku za donošenje zakonskih akata.

Povodom inicijative Općinskog vijeća Gračanica, za donošenje Zakona o izmjenama Zakona o parničnom postupku, Vlada Federacije Bosne i Hercegovine dala je izjašnjenje u kojem je istaknuto da su izmjene Zakona iz ove inicijative već sadržane u Prijedlogu zakona o izmjenama i dopunama Zakona o parničnom postupku, koji je Vlada FBiH utvrdila na 12. sjednici, održanoj 25.6.2015. godine. Isto izjašnjenje Federalna vlada je dala i povodom inicijative Općinskog vijeća Goražde za donošenje izmjena i dopuna Zakona o Federalnom pravobranilaštvu.

SKUPŠTINA ZDK PRENIJELA NADLEŽNOSTI ZA OSNOVNO I SREDNJE OBRAZOVANJE NA OPĆINU USORA

Na 12. sjednici Skupštine Zeničko-dobojskog kantona, održanoj dana 16. jula/srpnja Skupština Zeničko-dobojskog kantona, nakon presude Ustavnog suda Federacije Bosne i Hercegovine o ugroženosti prava lokalne zajednice, iz trećeg pokušaja usvojila je prijedlog Zakona o prenošenju nadležnosti ZDK za oblast osnovnog i srednjeg obrazovanja na općinu Usora.

Na Prijedlog Zakona o prenošenju nadležnosti Zeničko-dobojskog kantona za djelatnost osnovnog i srednjeg obrazovanja na općinu Usora, nije bilo podnesenih amandmana i isti je donesen sa 25 glasova „za“, 2 glasa „protiv“ i 5 uzdržanih glasova, nakon pojedinačnog izjašnjavanja poslanika, koje je izvršeno na zahtjev Kluba poslanika Saveza za bolju budućnost-Fahrudin Radončić.



Skupština Zeničko-Dobojskog Kantona



Grb Općine Tešanj

OPĆINA TEŠANJ U NOVU POSLOVNU ZONU „GLINIŠTE” DO SADA INVESTIRALA MILION KM

TEŠANJ, 21. juli/srpanj – U novu poslovnu zonu „Glinište“, koja je treća po redu u Tešnju, u zadnje četiri godine uloženo je oko milion KM.

Riječ je prevashodno o sredstvima iz emisije općinskih obveznica, a kasnije su projekat podržali i Vlada Zeničko – Dobojskog kantona, te Fondacija za održivi razvoj FBiH – OdRaz.

Na izgradnji poslovne zone „Glinište” trenutno je ugovoreno oko 300.000 KM radova.

Općina je prošle godine kupovala zemljište, a ove godine radovi su fokusirani na probijanje i formiranje potpuno nove saobraćajnice u dužini od 750 metara, širine 12 metara. Samo za kupovinu zemljišta investirano je do sada oko 180.000 KM.

“Otvaramo potpuno nova područja za investiranje, usljed ubrzanog razvoja privrede i povećanog interesa investitora. Radovi su u toku, i trenutno nastojimo iskoristiti građevinsku sezonu. Osim ove zone tokom 2015. godine imamo i radove u poslovnim zonama Bukva i Ciglana. Između ostalog, i ovo su projekti po kojima nas sve više prepoznaju kao partnera za budućnost”, rekao je Suad Huskić, načelnik Općine Tešanj prilikom posjete gradilišta poslovne zone „Glinište”.

Plan je da se u ovoj godini za potrebe poslovne zone „Glinište” otkupi još 10.000 kvadratnih metara kako bi se kompletirale glavne saobraćajnice.

Interes investitora je već sada veliki.

Tešanj već ima tri poslovne zone, u koje je zajedno sa „Gliništem” koje je u izgradnji, u posljednje dvije godine Općina uložila oko milion KM, a to su poslovne zone Bukva, Ciglana i Ekonomija, u okviru kojih posluje 57 kompanija i poslovnih subjekata, od kojih su neke domaći i svjetski lideri u svojim branšama, saopćeno je iz Općine Tešanj.



Izgradnja nove saobraćajnice u poslovnoj zoni „Glinište”

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

GRUPACIJA SVJETSKJE BANKE OBJAVILA VIDEO O USPJEŠNIM OPĆINAMA U BIH

Projekat implementirao IFC u partnerstvu sa
Kraljevinom Švedskom i Vladom Austrije.



International
Finance Corporation
WORLD BANK GROUP



SWEDEN
Kraljevina Švedska



FEDERAL MINISTRY
OF FINANCE

Državna i entitetske vlade, kantoni, gradovi i općine/opštine u BiH također su podržale ovaj Projekat.

Vijeće Ministara BiH, Vlada Federacije BiH, Vlada Republike Srpske,
Tuzlanski kanton, Unsko – sanski kanton, Zeničko – dobojski kanton, Županija Zapadnohercegovačka
Gradovi: Banja Luka, Tuzla, Bihać, Bjelečina


Općine/opštine: Modriča, Novi Grad, Zvornik, Doboj, Goražde, Široki Brijeg, Tešanj, Vilegrad, Trilj, Prijedor, Novo Sarajevo,
Bosanska Krupa, Srebrenik, Vitez, Zvinice, Ilidža, Visoko, Zenica, Čazma

TEŠANJ, 13. juli/srpanj – Svjetska banka je snimila video sa ciljem da se predstave privredni rezultati općina u Bosni i Hercegovini, a koje su provodeći regulatornu reformu uradile najviše na poboljšanje uslova za privlačenje novih investicija. Među njima, nalazi se i primjer Tešnja, kao jedne od najuspješnijih u Bosni i Hercegovini.

Video je dio projekta Poboljšanja poslovnog okruženja u Bosni i Hercegovini, a kojeg realizira IFC - dio grupacije Svjetske banke u partnerstvu sa Kraljevinom Švedskom i Vladom Austrije.

Na videu su predstavljeni rezultati i općine koje su uradile najviše na poboljšanje investicione klime i unapređenju ambijenta za poslovanje. Kako su istakli u IFC-u, rezultati sa terena pokazuju da je Općina Tešanj jedna od rijetkih koja se može pohvaliti stalnim privrednim rastom, što je bio razlog za sudjelovanje u ovom projektu, kao i prigodan razgovor sa načelnikom Općine Tešanj, Suadom Huskićem. Video se može pogledati na video kanalu Općine Tešanj:

<https://www.youtube.com/watch?v=kJvJ5LynPbE>



Poboljšanje poslovnog okruženja u Bosni i Hercegovini

954 views



RASPISAN TENDER ZA IZGRADNJU KANALIZACIONOG SISTEMA U B.KRUPU VRIJEDAN OKO 1.500.000 KM

Kanalizacioni sistem, jedan od najznačajnijih kapitalnih investicija u općini Bosanska Krupa, dobio je novi zamah u svojoj realizaciji.

Naime, objavljen je tender za odabir izvođača radova za prvu fazu vrijednu oko 1.500.000,00 KM koja će obuhvatiti ukupno osam područja u Bosanskoj Krupi i Bosanskoj Otoci. Ovo su aktivnosti u sklopu projekta „WATSAN FBiH“, čiji je cilj vodoopskrba i prečišćavanje otpadnih voda u lokalnim zajednicama Federacije BiH.



Izgradnja novih kanalizacionih kolektora, odnosno separatnog kanalizacionog sistema za fekalnu i oborinsku kanalizaciju za početak će obuhvatiti mrežu u dužini od 9 km, nakon čega je planirano, početkom naredne godine, izgradnja nastavka kanalizacionog sistema.

"Implementacija ovog projekta je zaista višestruka. Poboljšat ćemo sanitacionu shemu kroz sprečavanje ispuštanja zagađene vode, kanalizacije, u rijeku Unu i njene pritoke i konačno se riješiti neugodnih mirisa koji su posebno izraženi tokom vrućih ljetnih dana", kaže načelnik Općine Bosanska Krupa Armin Halitović.

Očekuju da će realizacija ovog projekta dovesti do značajnog poboljšanja zdravstvenog stanja građana, te da će u značajnoj mjeri doprinijeti ispunjenju uslova koji se u budućnosti traže zakonodavstvom EU u oblasti okoliša.

"Teško je reći kada će kompletan projekt biti završen, to svakako zavisi samo od novčanih sredstava, ali ćemo dati sve od sebe da on ima svoj kontinuitet, i da završimo posao kako smo planirali, da što se tiče kanalizacije Bosansku Krupu riješimo u potpunosti", kazao je načelnik Halitović.

Projekt WATSAN FBiH (Vodoopskrba i odvodnja otpadnih voda u FBiH), u okviru kojeg je Općina Bosanska Krupa sa Federalnim ministarstvom finansija i potpisala ugovor o grantu, implementira se u dvadeset općina Federacije BiH, a kreditna i grant sredstva su obezbijedena posredstvom Evropske komisije i Evropske investicione banke.



Grb Općine Bosanska Krupa

ODRŽAN ČETVRTI SASTANAK RADNE GRUPE PROJEKTA „PODRŠKA SAVEZIMA OPĆINA I GRADOVA U BIH – AMCS“



Projekat „Unapređenje saradnje saveza i općinskih vijeća“ je inicijativa Misije OSCE-a u Bosni i Hercegovini i isti se implementira u periodu od 12. marta 2015. godine do 12. decembra 2015. godine.

Glavni cilj projekta je jačanje saveza lokalnih vlasti u Bosni i Hercegovini u zastupanju i lobiranju interesa jedinica lokalne samouprave.

Predmet četvrtog sastanka radne grupe ovog projekta, koji je održan 22.07.2015. u

Fojnici, bila je priprema za završnu konferenciju. Također je prezentiran izvještaj o provedenim aktivnostima u proteklom periodu, razmotrene su predložene dobre prakse dostavljene od strane jedinica lokalne samouprave, te su određeni moderator i panelisti po temama i to: „Zakon o principima lokalne samouprave u Federaciji Bosne i Hercegovine/Zakon o lokalnoj samoupravi Republike Srpske“, „Izborni zakon Bosne i Hercegovine“ i „Dobre prakse“, a koje će biti predmet završne konferencije planirane za mjesec novembar ove godine.

Dogovoreno je da se za sljedeći sastanak ove radne grupe, čije je održavanje zakazano za mjesec septembar pripreme ciljevi, pitanja i zaključci za svaku temu, odnosno panel.



Organization for Security and
Co-operation in Europe
Mission to Bosnia and Herzegovina



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GRADONAČELNIK GRADA ŠIROKI BRIJEG MIRO KRALJEVIĆ U INTERVJUU ZA
EKAPIJU – ŠIROKI BRIJEG POČEO JE PRIPREME ZA VELIKE INVESTICIJE

Grb Grada Široki Brijeg

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

"Projekat rekonstrukcije i proširenja sistema za navodnjavanje treba da bude završen do proljeća 2016. godine, a finansira ga Svjetska banka.
 ...Realizacijom ovog višemilijunskog projekta značajno će se povećati mogućnost natapanja zemljišta, te će biti stvoreni preduslovi za aktivnije bavljenje poljoprivrednom djelatnošću"

Miro Kraljević, gradonačelnik
Grada Široki BrijegPreuzeto sa <http://www.sirokibrijeg.ba/>

Intervju vodila: Vedrana Džudža

5. juli/srpanj – Naime, nekoliko lokalnih privrednika zainteresovano je za otvaranje fabrika pelena i autodijelova, te jedne solarne elektrane, pa je Grad pristupio izradi Plana parcelacije zemljišta za izgradnju tih pogona. Kako saznajemo u Gradskoj upravi, budući investitori su firme "Viktoria" i "Prančio", te širokobriješki preduzetnik Karlo Soldo, koji već dugo radi u Austriji. Miro Kraljević, gradonačelnik Širokog Brijega, kaže za portal "eKapija.com" da je početak gradnje moguć već u ovoj godini.

- Najprije krećemo sa parcelacijom zemljišta, a rok za završetak tog posla je šest mjeseci. Siguran sam da će naše službe posao obaviti mnogo ranije, te početak izgradnje ovih postrojenja možemo očekivati odmah po okončanju parcelacije - kaže Kraljević i dodaje da se zasad ne može detaljnije govoriti o vrijednosti investicija, kapacitetima, te broju potrebnih radnika.

Naime, na sjednici Gradskog vijeća 27. juna preduzeti su bitni koraci za razvoj privrede Širokog Brijega. Prema riječima gradonačelnika, jedna od donesenih odluka je da se izradi plan parcelacije za proširenje industrijske zone Knešpolje, gdje bi se gradila fabrika autodijelova.

- Zahtjev za ovaj posao podnio je preduzetnik Karlo Soldo, porijeklom iz Širokog Brijega, koji radi u Austriji. On je zainteresovan da kupi 10.000 m² zemljišta gdje bi otvorio pogon za proizvodnju dijelova za automobilsku industriju - kaže Kraljević.

Takođe, pristupilo se izradi plana parcelacije za izgradnju pogona za proizvodnju pelena u selu Buhovo.

- Ivan Sabljic iz širokobriješke firme "Viktoria" uputio je 7. marta 2014. godine zahtjev za parcelaciju navedenog zemljišta radi izgradnje farme koza. Gradsko vijeće je to odobrilo, ali je firma u međuvremenu zatražila izmjenu plana, tako da će sada graditi fabriku pelena. Prema informacijama kojima raspolažemo, investitor je odustao od izgradnje farme koza. Osim toga, lokalna firma "Prančio" planira u Dobrkovićima, kod poslovne zone "Trn", da gradi solarnu elektranu. Investitor je tražio prostor od 20.000 m² - navodi naš sagovornik.

I ovdje nije kraj ulaganjima u sjedište Zapadnohercegovačkog kantona. Više od 5 mil KM planirano je za sistem navodnjavanja, kaže Miro Kraljević, što će znatno unaprijediti poljoprivrednu proizvodnju u ovom mjestu.

- Projekat rekonstrukcije i proširenja sistema za navodnjavanje treba da bude završen do proljeća 2016. godine, a finansira ga Svjetska banka. U sklopu toga, slijedi i rekonstrukcija akvadukta na rijeci Lištici. Realizacijom ovog višemilijunskog projekta značajno će se povećati mogućnost natapanja zemljišta, te će biti stvoreni preduslovi za aktivnije bavljenje poljoprivrednom djelatnošću, što se već osjetilo na terenu i u ovoj godini.

Široki Brijeg će do kraja godine dobiti i modernu autobusku stanicu na 3.910 m². Gradonačelnik kaže za "eKapiju" da će u ovom mjesecu, javno-privatnim partnerstvom između Grada i firme "Miškić-bus", početi izgradnja stanice. Investicija je vrijedna oko 1,5 mil KM.

Uskoro kreće i izrada strategije za razvoj grada.

- Na sjednici 27. juna usvojeno je Rješenje o imenovanju članova Partnerske skupine za izradu Strategije razvitka Grada Širokog Brijega 2016-2025. Znači počinjemo s izradom jednog od ključnih dokumenata razvoja našeg grada - kaže Kraljević.

Kao i mnoge druge opštine u BiH, Široki Brijeg ima određene beneficije za investitore. Grad je usvojio odluku o smanjenju cijene zemljišta za investitore koji su spremni zaposliti nove radnike.

- Cijena zemljišta može da se umani za određeni postotak u zavisnosti od toga koliko je investitor planirao da otvori radnih mjesta. Ako je riječ o proizvodnoj djelatnosti, cijena je dvostruko manja, pa se tako tržišna cijena po metru kvadratnom može umanjiti i do 40% od stvarne cijene zemljišta.



Široki Brijeg

U Širokom Brijegu postoje dvije industrijske zone. U "Knešpolju" nije ostalo još mnogo prostora za gradnju, kaže gradonačelnik, ali je prije godinu dana, puštanjem u rad pogona kompanije "Feal", otvorena poslovna zona "Trn". Ona je udaljena 3 km od grada i nalazi se uz magistralnu cestu Mostar-Posušje.

- Ukupna površina industrijske zone "Trn" je 128 hektara, a provrednicima je na raspolaganju 55. Veličina parcela u prvom dijelu zone je od 5.000 do 16.000 m², a u planu je da se desetak parcela putem tendera ponudi investitorima za proizvodno-poslovne sadržaje - navodi Kraljević.

Najveći potencijali Širokog Brijega su metaloprerađa (kompanija "Feal"), građevinarstvo ("Hering", A3), proizvodnja obuće (FBD), poslovne usluge i usluge zastupanja ("Mepas", MCI), te proizvodnja duvana, vinove loze, voća i povrća.

Gradonačelnik Širokog Brijega kao primjer uspješne kompanije navodi "EZ-Engineering", u kojoj je zaposleno više od 70 inženjera raznih struka.

- Kompanije ja osnovana prije 10 godina. Pruža inženjerske i strojarke usluge dizajna u različitim sektorima internacionalne automobilske, avio, željezničke industrije, te brodogradnje. Ovo je jedan od primjera koji bi mogli slijediti budući investitori.

REALIZIRANA EeMA STUDIJSKA POSJETA HRVATSKOJ



Posjeta fondu za zaštitu okoliša

U sklopu Projekta „Energetska efikasnost u udruženjima općina-EeMA“, u periodu od 20. do 22. jula/srpnja upriličena je studijska posjeta Zagrebu za sve asocijacije lokalnih vlasti iz regiona. Osim predstavnika asocijacija, prisustvovali su i eksperti iz Prištine, Gijlana i Podujeva koji po prvi put rade na izradi SEAP-a za tri grada na Kosovu, a što je prvi korak na putu da postanu dio Evropske inicijative Sporazuma gradonačelnika. Ova studijska posjeta realizovana je u sklopu jednog od paketa „isti sa istim“ (P2P) ovog Projekta.

P2P je fokusirano na dva modela: modelu stvaranje veza između „jednakih“ partnera, te na modelu stvaranja grupe od nekoliko partnera gdje partneri rade na istom pitanju (učenje kroz rad). Učesnici ove studijske posjete imali su priliku da obidu i razgovaraju sa relevantnim osobama iz:

- Gradskog ureda za energetiku, zaštitu okoliša i održivi razvoj-Eko Zagreb;
- Udruge gradova Hrvatske;
- Ivanić Grada (općine koja uspješno provodi mjere SEAP-a, te ima nisko energetska naselje) i
- Fonda za zaštitu okoliša i energetska učinkovitost.

U SREBRENIKU OTVORENA NOVOIZGRAĐENA ZGRADA OPĆINSKOG ORGANA UPRAVE

Simboličnim presijecanjem vrpce novu zgradu općinskih organa uprave u Srebreniku su zvanično stavili u funkciju bivši načelnici općine Srebrenik, koji su imali značajnog učešća u izgradnji iste: Osman Suljagić, Mehmed Bajrektarević, Sanel Buljubašić, te sadašnji načelnik Općine Srebrenik Nihad Omerović, kao i predstavnici Saudijskog fonda za razvoj iz Rijada, Kraljevina Saudijska Arabija Mohammed Al Dalilan i Saud Al Bassam. Svečanosti otvorenja novoizgrađene zgrade općinskih organa uprave prisustvovali su i brojni gosti iz atašea u Ambasadi Kraljevine Saudijske Arabije Ayaid Al Enizi, ambasadori Malezije i Palestine, predstavnici državnog i federalnog Ministarstva finansija i trezora, ministri u Vladi Tuzlanskog kantona, gradonačelnik Vinkovaca, zastupnici Federalnog parlamenta kao i Skupštine Tuzlanskog kantona, vijećnici općinskih vijeća, načelnici općina, građani općine Srebrenik, kao i brojni drugi uvaženi gosti.



"Srebrenik je danas kao i uvijek svima vama širom otvorio svoja vrata i svoju dušu. Njegova historija je izuzetno bogata i duga, a danas smo dobili ono o čemu smo decenijama sanjali. To je nova, savremena zgrada za smještaj i rad svih naših službi, koje su do sada bile smještene na sedam različitih lokacija i funkcionisale u veoma teškim uslovima. Projekat izgradnje ove zgrade je posebno važan, jer je prvi put na jednom jestu okupio i naše domaćine, srebreničke firme i inicirao osnivanje konzorcija, koji je vodila renomirana firma "Herceg" d.o.o. Srebrenik. To je dokaz snage, umijeća, iskustva, znanja, sposobnosti i sloge, koje mi srebreničani umijemo i znamo uraditi. Ova naša zgrada je u cijelosti izgrađena domaćom pameću, opremom i sposobnostima, stoga hvala konzorciju Herceg, firmi Herceg – njenim vlasnicima i direktoru, ali hvala i svima onima koji su na bilo koji način pomogli u realizaciji ovog projekta", rekao je, između ostalog, u svom govoru Nihad Omerović, načelnik Općine Srebrenik.



Sa svečanosti otvorenja nove zgrade



Grb Općine Srebrenik

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Prigodnim govorom prisutnima su se obratili i predstavnici Saudijskog fonda za razvoj iz Rijada, dopredsjedavajući Doma naroda u Parlamentu BiH Safet Softić te ministar finansija u Vladi TK Jakub Suljkanović, koji su istakli značaj realizacije ovog projekta za bolji i efikasniji rad administracije. Izgradnjom nove zgrade konačno se riješio višegodišnji nedostatak adekvatnog prostora za općinske službe koje su bile smještene u neuslovnim prostorima - barakama, na više različitih lokacija u gradu Srebreniku. Prelazak svih općinskih službi u jednu zgradu bi trebao omogućiti kvalitetnije usluge, ali i dovesti i do značajnog ubrzanja u rješavanju predmeta, kao i do efikasnijeg rada svih službenika.

Novi objekat je izgrađen zahvaljujući povoljnom kreditu Sudijskog fonda za razvoj iz Rijada u iznosu od oko 2,6 miliona dolara, sa rokom otplate od 25 godina, uz grejs period od pet godina i kamatnom stopom od jedan posto na godišnjem nivou. Inače, zgrada organa uprave općine Srebrenik je slobodno-stojeća zgrada dimenzija 50 x 12 m, spratnosti podrum + prizemlje + 3 etaže, sa krovnom etažom koja uključuje prohodni ravni krov. U podrumskom dijelu objekta obezbijeđeno je deset garažnih mjesta, prostor za arhivu, prostor za klima komoru, agregat i kotlovnicu. Na istoj etaži je izgrađeno dvonamjensko sklonište, odnosno zaklon, u kojem će biti prostori ostave. Ulazi u objekt su razdvojeni za zaposlene i za građanstvo, čije se komuniciranje sa zaposlenima odvija preko moderne šalter sale u prizemlju objekta. U objektu se nalazi savremeni informacijski centar, tri sprata sa kancelarijama za sve općinske službe te prostorno znatno manjeg četvrtog sprata i restorana na krovnoj terasi. Ukupna korisna površina je oko 2.400 m². Vertikalna komunikacija je omogućena dvokrakim stepeništem i liftom, koji zadovoljava i potrebe invalidnih lica.

Posebno priznanje i poklon za izuzetno značajan doprinos u realizaciji ideje i projekta izgradnje nove općinske zgrade dobili su i predstavnici Sudijskog fonda za razvoj iz Rijada, Kraljevina Saudijska Arabija, Mohammed Al – Dalillian i Saud Al – Bassamu.

Nakon što su uručena posebna priznanja i pokloni, ispred novoizgrađene zgrade Općine Srebrenik načelnik Omerović i predstavnik grada Maribora (Slovenija) su zasadili mladice najstarije vinove loze na svijetu, koja je poseban poklon gradonačelnika Maribora, dr. Andreja Fištraveca. Osim toga, prisutni su mogli uživati i u kulturno – zabavnom programu ali i pogledati unutrašnjost novoizgrađene zgrade Općine Srebrenik.

NAJAVA OBILJEŽAVANJA DANA OPĆINA ZA MJESEC AVGUST / KOLOVOZ

06. avgust/kolovoz - Dan Općine Cazin, te predstavlja i sjećanje na dan kada je deblokiran Cazin, ali i područje Unsko-sanskog kantona u proteklom ratu.

15. avgust/kolovoz - Dan Općine Široki Brijeg. Naime, ovaj datum se obilježava kao blagdan Velike Gospe.

15. avgust/kolovoz - Dan Općine Posušje. Ovaj datum je značajan za Posušje jer se na taj dan obilježava Velika Gospa.



Cazin



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA ZA MJESEC AVGUST / KOLOVOZ

15. avgust/kolovoz - Dan Općine Kreševo.

16. avgust/kolovoz - Dan Općine Busovača. Pod svojim sadašnjim imenom Busovača se u pisanim dokumentima prvi put spominje 16.08.1371. godine kada je izvjesni Gojko Čepić iz Busovače prodao Johanu Rombaldu Bonu 30 miliarija gvožđa. Navedeni datum je upisan na grbu grada Busovače i obilježava se kao Dan Općine.

16. avgust/kolovoz- Dan Općine Vareš potpaljivanje prve visoke peći u Varešu.

19. avgust/ kolovoz- Dan Općine Bosansko Grahovo- preobraženje Gospodnje.

20. avgust/kolovoz - Dan Općine Olovo. Na ovaj datum je ukopan prvi ŠEHID u „Šehidskom mezarju“ u Solunu (naselje u blizini Olova).

29. avgust/kolovoz - Dan Općine Visoko. Ovaj datum se veže za datum izdavanja Povelje Kulina Bana 29.08.1189. godine.

31. avgust/kolovoz - Dan Općine Neum. Ovaj datum se veže za Gospu od zdravlja.



Neum



Visoko



Posušje



Vareš



Busovača